

I FLETËUDHËZUES I PAKETIMIT:
Informacion për përdoruesin

LORADE

**Tableta - 10 mg
(Loratadinë)**

Lexojeni me kujdes këtë fletëudhëzues përpara se të filloni përdorimin e barit.
• Ky bar mund të merret pa recetën e mjekut. Megjithatë, për të arritur rezultatet e kërkuara, ju duhet ta përdorni këtë bar me kujdes.
• Ruajeni këtë fletëudhëzues. Mund të keni nevojë ta lexoni përsëri.
• Në qoftë se keni pyetje të mëtejshme, pyesni farmacistin tuaj.
• Në qoftë se gjendja juaj përkeqësohet ose nuk përmirësohet, kontaktoni mjekun tuaj.
• Në qoftë se ndonjë prej efekteve anësore bëhet serioz ose në qoftë se vëreni efekte anësore që nuk përmenden në këtë fletëudhëzues, kontaktoni mjekun tuaj.

Në këtë fletëudhëzues:

1. Çfarë është Lorade dhe përse përdoret?
2. Përpara se të merrni Lorade
3. Si ta merrni Lorade?
4. Efekte anësore të mundshme
5. Si ta ruani Lorade?
6. Informacion i mëtejshëm

1. ÇFARË ËSHTË LORADE DHE PËRSE PËRDORET?

Lorade përmban lëndën vepruese loratadinë, e cila bën pjesë në grupin e barnave të quajtur antihistaminikë.
Lorade përdoret për trajtimin simptomatik të rinitit alergjik (si p.sh. ethe nga bari) dhe në urtikarien kronike idiopatikë (me origjinë të panjohur).

2. PËRPARA SE TË MERRNI LORADE

Mos merrni Lorade nëse

Keni alergji (mbindjeshmëri) ndaj loratadinës ose ndaj ndonjërit prej përbërësve të tjerë të Lorade.

Tregoni kujdes të veçantë me Lorade

- nëse keni dëmtim të rëndë të funksionit të mëlçisë
- nëse planifikoni të kryeni një test në lëkurë. Ju duhet të ndërprisni trajtimin me Lorade të paktën 48 orë përpara se të kryeni testin në lëkurë. Në të kundërt, antihistaminikë si Lorade, mund të japin rezultate falls-negative ose lehtësisht pozitive.

Marrja e barnave të tjera

Njoftoni mjekun ose farmacistin tuaj nëse jeni duke marrë apo keni marrë së fundmi barna të tjera, përfshirë ato të marra pa recetën e mjekut.
Gjatë provave klinike, nuk janë vënë re ndërveprime me barna të tjera.

Marrja e Lorade me ushqim dhe pije

Lorade nuk rrit efektet e alkoolit.

Shtatzënia dhe ushqimi me gji

Kërkoni këshillën e mjekut ose farmacistit tuaj përpara se të merrni këtë bar.
Studimet në kafshë nuk kanë treguar se loratadina dëmton fetusin. Siguria e përdorimit të loratadinës nuk është përcaktuar. Në këto kushte, nuk këshillohet përdorimi i Lorade gjatë shtatzënisë. Loratadina kalon në qumështin e gjirit. Në këto kushte, nuk këshillohet përdorimi i Lorade gjatë ushqimit me gji.

Drejtimi i automjetit dhe përdorimi i makinerive

Në raste shumë të rralla, loratadina mund të shkaktojë marrje mendsh. Ky efekt mund të ndikojë në aftësinë për të drejtuar automjetin dhe për të përdorur makineri. Për këtë arsye, këshillohet të verifikoni gjëndjen tuaj pas marrjes së Lorade, përpara se të drejtoni automjetin ose të përdorni makineri.

Informacion i rëndësishëm për disa nga përbërësit e Lorade

Për pacientët me forma të caktuara të intolerancës ndaj sheqerit: Lorade përmban laktozë. Këshillohuni me mjekun tuaj përpara se të merrni këtë bar.

3. SI TA MERRNI LORADE?

Gjithmonë merreni Lorade ashtu siç përshkruhet në këtë fletëudhëzues.
Nëse nuk jeni i sigurt, pyesni mjekun ose farmacistin tuaj.

Ju lutemi, njoftoni mjekun tuaj nëse efektet e Lorade janë shumë të forta ose shumë të dobëta.
Përveç rasteve kur parashikohet ndryshe nga mjeku, doza e zakonshme është:

Të rritur dhe fëmijë mbi 12 vjeç

1 tabletë Lorade, 1 herë në ditë (korrespondon me 10 mg loratadinë).

Fëmijë nga 2 në 12 vjeç:

- për fëmijë që peshojnë mbi 30 kg:
1 tabletë Lorade, 1 herë në ditë (korrespondon me 10 mg loratadinë).
- për fëmijë që peshojnë 30 kg ose më pak:
tableta 10 mg nuk është e përshtatshme për fëmijë që peshojnë më pak se 30 kg.

Efikasiteti dhe siguria e loratadinës në fëmijët nën moshën 2 vjeç nuk është përcaktuar ende.

Pacientë me dëmtim të rëndë të mëlçisë:

Në të rriturit dhe fëmijët që peshojnë mbi 30 kg, rekomandohet një dozë fillestare prej 10 mg loratadinë (1 tabletë Lorade), e marrë në ditë të alternuara.

Në të moshuarit dhe pacientët me dëmtim të funksionit të veshkave, nuk është e nevojshme që dozimi të ndryshohet.

Mënyra e administrimit

Tabletat merren nga goja. Tabletat mund të merren para ose pas ushqimit.

Në qoftë se keni marrë më shumë Lorade

Si pasojë e mbidozimit me loratadinë janë shfaqur përgjumje, rritje e rrahjeve të zemrës (takikardi) dhe dhimbje koke.
Në qoftë se keni marrë më shumë tableta Lorade se sasia që duhet të merrni, ju lutemi njoftoni menjëherë mjekun ose farmacistin tuaj.
Në rast mbidozimi, trajtimi simptomatik duhet të fillohet menjëherë dhe të zgjasë për aq kohë sa është e nevojshme. Mund të jepet karbon aktiv i tretur në ujë dhe të merret në konsideratë një lavazh gastrik. Hemodializa (pastrimi i gjakut) nuk është efikase për largimin e loratadinës nga gjaku dhe nuk dihet nëse dializa peritoneale është efikase në këtë aspekt. Pasi menaxhohet situata emergjente, pacientit duhet mbajtur nën mbikqyrje mjekësore.

Në qoftë se keni harruar të merrni Lorade

Mos merrni një dozë të dyfishtë për të plotësuar dozën e harruar.
Nëse vëreni në kohë se keni harruar të merrni një tabletë, merrni dozën e harruar sa më parë. Më pas vazhdoni trajtimin ashtu siç rekomandohet.

Në qoftë se ndërprisni trajtimin me Lorade

Gjendja juaj mund të përkeqësohet.
Në qoftë se keni pyetje të mëtejshme mbi përdorimin e këtij produkti, pyesni mjekun ose farmacistin tuaj.

4. EFEKTE ANËSORE TË MUNDSHME

Si të gjitha barnat e tjera, loratadina mund të shkaktojë efekte anësore, megjithëse jo çdokush i manifeston.
Për vlerësimin e efekteve anësore, zakonisht zbatohen frekuencat e mëposhtme:

Shumë të zakonshme	më shumë se 1 pacient në 10
Të zakonshme	1 deri në 10 pacientë nga 100
Të pazakonta	1 deri në 10 pacientë nga 1,000
Të rralla	1 deri në 10 pacientë nga 10,000
Shumë të rralla	më pak se 1 pacient nga 10,000
Të panjohura	Frekuenca nuk mund të vlerësohet duke u bazuar në të dhënat e disponueshme

• **Efektet anësore ose simptomat kryesore që duhet të kihen parasysh dhe masat që duhet të ndërmerren:**
Në qoftë se ju është shfaqur ndonjë nga efektet anësore të përmendura më poshtë, duhet të ndërprisni trajtimin me Lorade dhe të këshilloheni me mjekun tuaj sa më parë.

• **Sistemi imunitar:**
Shumë të rralla: reaksione mbindjeshmërie (anafilaksi).

• **Sistemi nervor:**
Të zakonshme: nervozizëm
Shumë të rralla: vertigo.

• **Sistemi kardiovaskular:**
Shumë të rralla: rrahje të përshpejtuara të zemrës (takikardi), palpitacione, ritëm i galopit i zemrës.

• **Trakti gastrointestinal:**
Shumë të rralla: nauze, tharje e gojës, acarim i membranave mukozale të stomakut (gastrit).

• **Sistemi hepatoiliar:**
Shumë të rralla: mosfunksionim i mëlçisë.

• **Lëkura dhe indi lidhor:**
Shumë të rralla: rash i lëkurës, rënie e flokëve (alopeci).

• **Shqetësime të përgjithshme:**
Të zakonshme: dhimbje koke, lodhje, përgjumje
Të pazakonta: pagjumësi, shtim i oreksit.
Në qoftë se ndonjë prej këtyre efekteve anësore përkeqësohet ose ju shfaqet ndonjë efekt anësor tjetër që nuk përmendet në këtë fletëudhëzues, ju lutemi njoftoni mjekun ose farmacistin tuaj.

5. SI TA RUANI LORADE?

Mbajeni larg fëmijëve.
Mos e përdorni Lorade pas datës së skadencës të shënuar në paketim.

6. INFORMACION I MËTEJSHËM


Çfarë përmban Lorade

Lënda vepruese është loratadinë.
Përbërësit e tjerë janë: laktozë monohidrat, amidon misri dhe stearat magnezit.

Si paraqitet Lorade dhe përmbajtja e paketimit

Lorade disponohet në kuti me 10, 20 tableta të bardha me një vijë në mes.


Shpjegues i ikonave ilustruese në paketim:

 Pa rekomandim të mjekut.

 Të mos përdoret gjatë shtatzënisë.

 Përmbajtja.  Kujdes.  Forma e tabletës.

Mbajtësi i autorizimit për tregtim (MAH):

 **PROFARMA Sh.a.**
Rruga "Myslym Keta"
Tel./Fax. 00 355 4 23 62 800
Tiranë - ALBANIA

Ky fletëudhëzues u ripunua për herë të fundit në Nëntor 2013.